



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

25 g Verkündigung Marie der Mütter Gottes.

**urn:nbn:de:hbz:466:1-41449**

## Martius

worden/ dessen heyligkeit **G D T T** durch offte geschene  
Wunderzaichen zeugnuß gibt.

Item der heyligen Junckfrawen Jobie / die des  
Königs in Persien Tochter war.

Item des heyligen Beichtigers Kanint.

Item in Mauritania / der Geburtstag der heyligen  
Romuli vnnnd Secundoli zweyer Brüder / welche  
mit glüenden Eysen angriffen/ vnd mit eyßnen Hacken  
aufgeschunden vnnnd gewilich gemartert / die herrliche  
Marterkron erlanget haben.

Item inn Africa der heyligen Marterer Maurite  
des Diacons / vnd anderer Kirchendiener / welche vmb  
ihres glaubens willen mit Rütchen geschlagen / nackt  
verjagt / durch hunger / dürst vnd kälte vmbkommen seind.

Item (als etliche wollen) wurde heut auch gedächtnuß  
gehalten / des heyligen Pappsts Martini des vier-  
ten / von Turon geborn / von Geschlecht nit Edel / aber  
in Sitten vnd Tugenten vast Edel / von begitd zeitli-  
cher Güter gar frembd / vnd herrlich in Wunderzaichen.  
Ist zu Perusa seligklich verschiden / vnnnd begraben wor-  
den.

Item zu Deuenter / starb der Priester seliger ge-  
dächtnuß Florentius / der vil güts geschafft / vnnnd den  
Brüdern güte ordnung gab / in gemain zuleben / wie von  
ihm Thomas Kempis schreibe.

**g** viij. Calendas Aprilis.

Der XXV. Tag im Merzen.

I.  
Christus  
empfangē.

**B**est ist ein herrlich frolich Fest / auch der Gnad-  
reich Tag / daran der Heilig aller Heiligen **I E S V S**  
Christi



Christus / zu Nazareth von der reinesten Junckfrawen  
empfangen / vnd das ewig Wort erstlich Fleisch worden  
ist. Heißt die Verkündigung **M. X. X. X. E.** / darumb daß  
dise Junckfraw von dem Erzengel Gabriel die seligste  
Verkündigung oder Bottschaft vonn Menschlicher  
erlösung zu Nazareth inn Galileerland gegeben / emp-  
fangen / angenommen / vnd darauff vber alle We-  
ber gebenedeyert. Ja an diesem tag ist mit allein **G. D. T. E.**  
Mensch / vnd ein Junckfraw Mütter worden / sonder  
auch das geheimnuß vnserer Erlösung in **M. X. X. X. E.** an-  
gesungen / ist nach 33. Jaren auch am Creutz vollendet  
worden. Von diesem Tag singet die Kirch frölich: Dis  
ist der Tag / welchen der **H. E. X. X.** gemacht hat. Heut  
hat der **H. E. X. X.** den sammer seines Volcks angesehen /  
vnd die Erlösung gesandt. Heut hat ein Weib den Tod  
verjagt / welchen ein Weib gebracht. Heut ist **G. D. T. E.**  
Mensch worden / blib daß er war / vnd nam an sich daß  
er nit war. Darumb laßt vns den anfang vnserer Erlö-  
sung andächtiglich ehren / frolocken vnd sagen: Glo-  
ry vnd Ehr sey die Herr.

Item zu Sirmio / daß leyden des heyligen Bi-  
schoffs Irenei / so zur zeit des Tyrannischen Kayfers  
Maximiani erstlich gar gewlich gemartert / dar-  
nach vil tag in der Gefengnuß gepeiniget / vnd endelich  
enthaupt ist worden.

Item zu Rom des heyligen Marteners Cirini /  
wellicher aller seiner Güter beraubt / vonn dem Kayser  
Claudio / nach vilen schlägen inn der Gefengnuß mit  
dem Schwert getödt / vnd sein Leib in die Tyber ge-  
worfen worden.

Item zu Nicodemia der Geburtstag der heiligen  
Junckfrawen Dule / welche eines Heidnischen Kriegs-  
manns

II.  
Christus  
gelitten.

Anno Dñi  
300.



## Martius

manns Magdt war / ist von wegen der Keuschheit vnd  
des Christlichen Glaubens / von ihrem Herren getödtet  
worden.

Item in der Insel Antro / des heyligen Abts Her-  
melandi / dessen ehlicher Wandel / durch anjayung der  
Wunderwerck gepriisen wirdt.

Item in der Burg Altona / in der Marggraff-  
schafft / des heyligen Einsidels vnd Reichigers Ey-  
nardi.

Item das leyden des heyligen Apostels Jacobi des  
grössern / der zum ersten vor allen Aposteln den Kelch  
des Herren getruncken / vnd von dem König Herode A-  
grippa enthauptet ist worden. Sein Fest aber wirdt für-  
nehmlich am 25. Heymonats gehalten.

Item des heyligen Martirers vnd Schrifftgehr-  
ten Josie / welcher mit gemeltem heyligen Apostel Jaco-  
bo enthaupt ward.

Item der heyligen Frawen Veronice / welcher der  
HERR Jesus am Carfreitag sein Angesicht in ein  
Schweißtruch eingedruckt verlassen hat.

An diesem Tag / sollen auch im alten Testament  
grosse vnd wunderbarliche ding geschehen sein / als der  
Welt erschaffung / das Martyr Abels des Gerechten  
Ersmartirers im alten Testament / der zugleich ein  
Junctfraw / Priester vnd Martirer / zum aller ersten ge-  
storben / die opfferung Abrahams / in seinem eingebor-  
nen Sohn Isaac / der durchzug der Kinder Israels  
durch das Roth Meer / vnd der Sig des heyligen Er-  
engels Michael / wider den Trachen.